

石達開
吳祿貞詩合集

高旭署

石跡為僧吳作免
雄報國

採種而志則同

地盡奇傑地竟尋
兩麓為

文詞光迭萬丈

庚申夏江南老劍題

序一

曾國藩重振清室袁世凱傾覆共和謬妄之罪罄竹難書而所謂文正詩文之集圭塘唱和之詩淫於富貴震於權勢者猶交口稱之平姑不必遠引文信國之詩岳武穆之詞卽以曾袁之勁敵論若石翼王達開吳將軍祿貞非以一代雄才而雅擅吟咏者耶石翼王而不受掣肘得專征伐掃穴犁庭驅胡漠北清室不復再振而國藩三族夷矣吳將軍而不被暗殺率其精銳傳檄天下還定中原民國不至分裂而世凱五鼎烹矣翼王擒而太平天國亡將軍死而中華民國危二氏繫國家之盛衰有若是者而其詩之雄直豪放又絕相似初不必以句斟字酌爲工而自饒神韻丹心浩氣溢於行間非蛩鳴蛙唱者所能幾及擬之於聲則雷震空谷風激森林純乎天籟不同凡響非詩人之詩而其詩自足千古讀其詩者可以想見當日據鞍顧盼時之雄姿與握管揮寫時之儒雅上馬殺賊下馬草露布才兼文武而能捐軀以報國若石翼王吳將軍者古今有幾人哉成功失敗不足論其人爲英雄則一其詩爲可傳則一彼曾氏之集圭塘之詩雖高談無派侈陳風雅珍賞於庸流直吾人覆瓿糊窗之資耳因重爲編次藏之於篋門人唐子忍庵亦健於文而

心乎國家者馳書請合刊行以勵叔世之士氣余亟授之並欣然爲之序雖寥寥數十章
僅得一小冊而擲地作聲勝於蛩鳴蛙唱之巨帙倍蓰也石翼王吳將軍在天之靈當相
視而笑曰壯公殆亦英雄之失敗者耶否則何以其言之若自吾口出也千載而下又誰
刊壯公之文哉庚申端午后六日壯公馮平序於雙十書屋

序二

不朽之業有三而立言爲下士君子不得志於時以其悲憤抑鬱之音盡發於詩詞以期傳諸百世而詩翁詞伯千古幾人惟岳武穆滿江紅一闋慷慨激昂令人神往蓋必具有不世之才而後而有不朽之作若石達開吳祿貞豈非近世之偉人哉洪楊之軍奄有天
下之半滿清之免於滅亡蓋亦僅矣使翼王得行其志馳騁中原誓師漠北直搗幽燕痛
飲黃龍彼曾左李胡何能乘機竊起自殘同類作中興胡運之功臣哉讀吾志未成人亦
瘁東南到處有啼痕之句藹然仁者之言可以想見其爲人矣吳將軍負光復之志枕戈
待發身殞石莊遂令狐鼠之徒競起討賊竊附於偉人之列致有今日之共和烏乎自吳
將軍之沒環顧海內不復覩以一身存亡系天下之安危者與石翼王之兵敗身虜賚志
以終沒而猶視者一也而二氏之詩以神韻勝絕不同於凡響自有可傳者在又若合符
節於以知不朽之業非可倖致而二氏之雄才偉略雖不必以詩傳而其詩終傳於後世
與岳武穆滿江紅後先媲美心俠輯之忍庵刊之蓋有深意存焉不僅崇拜二氏已也庚
申中夏弇山忍庵唐奇序於惠麓無二三齋

石達開遺詩目錄

石達開遺詩目錄

極目

馬上口占

途中感懷

聞天德王被難

曾滌生寄書至賦詩答之

寶劍

寄友人

亂離復亂離二首

雜詩

望家山感作

道路

懷藍子廉

我傷朝內禍

再答滌生一首

入劍門

別南山馮雲山

題旅店壁間

空白页

太平天國翼王石達開遺詩

弇山心俠馮 平輯

弇山忍庵唐 奇校

、極目

極目楚氛惡。狂風著意吹。荒涼唐日月。黯澹漢旌旗。北地春花笑。南朝秋葉垂。樓頭景蕭瑟。客子悵吟詩。

、望家山感作

家山望不見。芳草徒離憂。風雨連朝夕。楊花撲酒樓。關山憎客夢。驛路暗離愁。悵悵安所適。暮雲西北浮。

、馬上口占

蒼天惹茫茫。羣生何太苦。大江橫我前。臨流曷勝渡。惜者無舟楫。浮雲西北顧。到耳多哭聲。中原白日暮。

、道路

石達開遺詩

對影意悽悽。塵埃眼欲迷。荒江魑魅嘯。古木杜鵑啼。(闕二字)山無語。孤行日漸西。飛鴻無
伴侶。道路自栖栖。

、途中感懷

道路自栖栖。烟塵障眼迷。飄零鴻雁侶。顧影有餘悽。

、懷藍子廉

羨子山居好。秋生桂樹幽。終年事戎馬。苦悴幾時休。

、聞天德王被難

槃槃管樂才。當世豈易覩。天生洪夫子。救民出水火。仗劍從軍行。顧盼自雄武。海內皆昆
弟。相將一臂助。正盼王師來。宿恥盡洗吐。何圖天不祿。投身喂豺虎。雖兮忽不逝。中原白
日暮。血肉何狼藉。白骨披道路。所恐長城壞。何人挽天步。予懷塞不解。青山慘無語。華夏
正多難。臨風涕如注。

我傷朝內禍

我傷朝內禍。嗟哉中心悲。憶昔諸豪流。並逐秦鹿馳。三戶必亡秦。秦運朝露危。相與建大

策。用以張四維。日月麗中天。重光會有時。天意詎易測。人事真難知。一朝杯酒間。白刃集殿幃。老夫身何辜。誰料丁亂離。城中少人行。鷄犬無安棲。汨汨血中洛。宮禁失光輝。浮雲黑慘澹。酸風向面吹。已矣復何言。去去將安歸。

曾滌生寄書至賦詩答之

曾摘芹香入泮宮。更攀桂蕊趁秋風。少年落拓雲中鶴。陳迹飄零雪裏鴻。身價敢云空冀北。文章今已徧江東。儒林異代應知我。祇合名山一卷終。不策天人在廟堂。生慚名位掩文章。清時將相無傳例。未造乾坤有主張。况復仕途多幻境。幾多苦海少歡場。何如著作千秋業。宇宙長留一瓣香。揚鞭慷慨滄中原。不爲仇讎不爲恩。祇覺蒼天方憤憤。莫憑赤手拯元元。三年攬轡悲羸馬。萬衆梯山似病猿。吾志未酬人亦瘁。東南到處有啼痕。若個將才同衛霍。幾人佐命等蕭曹。男兒欲畫麒麟閣。早夜當爛虎豹韜。滿眼河山增屨數。到頭功業屬英豪。每看一代風雲會。濟濟從龍舉竟高。大帝勳華多頌美。皇王家世盡鴻濛。賈人居貨移神鼎。亭長還鄉唱大風。起自布衣方見。

異。遇非天子不爲隆。醴泉芝草無根脈。鎔裕當年田舍翁。

再答滌生一首

支撐天柱費辛艱。垓下雌雄決一韓。試看機槍天上掃。夜深慘淡斗牛寒。

寶劍

床頭忽起老龍吟。鬱鬱書生殺賊心。已到途窮猶結客。風塵相贈值千金。

入劍門

拋撇妻孥戴覆盆。含冤難復叩天閭。寶刀俊馬休輸却。看領雄師入劍門。

寄友人

分手千里別。(闕十字) 相思人漸老。遠望登高邱。天涯拾芳草。秋風起衡

湘。(闕十一字) 物盡枯燥。安得魯陽戈。轉瞬回溫煥。

鴻雁何飄飄。東西南北間。恨我無雙翼。(闕十字) 千里含煩冤。閩河悵遠

隔。安得相往還。貴後勿忘賤。勸君日加餐。君子道誼交。勿憂氣數單。(闕廿二字)

看星漢。迢迢恨山川。夢寐有端倪。歲月感回旋。長恐

髮朝白。覲面終無緣。寫此惻歎情。涕落如奔湍。

別南王馮雲山

相處(闕二字)久。分離別緒長。蛟鼉橫地起。鸞鷲刺天翔。意氣凌千古。威聲撼八方。(闕五字)
含笑(闕三字)

亂離復亂離二首

亂離復亂離。到此心魂驚。飄風不崇朝。長夜終有明。蛾眉怨謠詠。切切訴平生。百草忽不芳。爲聞鷓鴣鳴。君王信讒言。爲聞蒼蠅聲。靜思三太息。衫袖淚縱橫。人生宜室家。誰無妻子情。

亂離復亂離。到此心魂悸。衣冠涉郊畝。狺狺羣犬吠。(闕廿五字)

耕種田蕪穢。蘭蕙當門戶。勿怒行人刈。

題旅店壁間

半壁江山嘆式微。(闕廿一字)

哭。南人消瘦北人肥。(闕六字)

急回首滄桑事。已非。

前日歡歌今日

石達開遺詩

雜詩

拾得一科第。當年亦等閒。文章身後事。一卷奠名山。
（闕七字） 發高歌。滿眼河山感。傷心劫數多。
並起逐秦鹿。捷足先得之。（闕五字） 望斷漢旌旗。

序

嘗讀岳武穆滿江紅一闋。悲壯激越。彷彿直搗黃龍。唱凱旋歌也。昔虜運將斬。志士之投筆從戎。枕戈待發者。不一其人。而趙烈士聲。吳烈士祿貞爲最著。趙詩不多見。吳詩亦僅得茲十八章。吉光片羽。幸留人間。烏乎。石家莊之變。喪茲良將。出師未捷。賫恨長眠。烈士之不幸。又豈僅烈士之不幸哉。然而身可殺。精神不可滅。文字者精神之所寄也。莫須有三字。可以殺武穆之身。而滿江紅一闋。武穆之精神。不可得而滅。誦詩可以知人。而烈士之詩。得乎天籟。饒有神韻。若哀猿啼。月若神駿。嘶風悲北激。越滿江紅之遺音也。豈世之號稱名字。吟風嘯月。鏤雪裁雲。徒斤斤於詞句之工拙者。所可望其項背哉。烏乎烈士。丹忱不沫。墓草旣宿。勛業彰於史冊。而精神寄於詩篇。烈士於是乎不朽矣。中華民國八年國恥紀念後二日。壯公馮平序於寧靜廬。

吳祿貞別傳

吳祿貞字綬卿。湖北雲夢人也。學陸軍於日本。以光復爲己任。庚子大通之役。君實主之。事敗走滬。後得握兵符於東三省。間島交涉。以幹練明敏稱。辛亥武漢既舉。清廷以蔭昌率兵南下。君謀緩之。良弼忌君甚。賄君部下周符麟。引旗兵刺之於石家莊。力拒不得脫。同謀者羣入攢刺。遂及於難。君同志張世膺在側。拔刃相援。亦以身殉。死狀均慘。聞者痛之。

馮平曰。光復之役。大功未竟。六七年來。權奸迭乘。民國飄搖。推原禍始。南粵敗績。伯先云。亡北伐未成。君復遇害。國家之盛衰。係於人才之消長。此其徵也。世亂未已。吾思頗牧矣。

吳祿貞遺詩目錄

陝州道寄懷

戍邊樓落成登臨有感

歲暮雜感二首

步五梧生己酉守歲原韻

洛陽行

過硤石山狂吟

過滎陽觀楚漢戰蹟吊項羽

澠池觀秦趙會宴紀念碑有感

放歌步謝大虎文原韻

吳祿貞烈士遺詩

弇山心俠馮 平輯

弇山忍庵唐 奇校

陝州道寄懷

十年落拓江湖夢。會賦蛾眉惜誓文。紅粉竟成知己恨。秋山空斷俠兒魂。塞垣蕭瑟悲荒草。京國繁華障暮雲。萬里長征興壯志。傷心泣別問從軍。

戍邊樓落成登臨有感

籌邊我已起高樓。極目星關次第收。萬里請纓歌出塞。十年磨劍笑封侯。鴻溝浪靖金甌固。雁磧風高鐵騎愁。西望白山雲氣渺。圖們江水自悠悠。

歲暮雜感二首

遠戍圖們歲又殘。聲聲臘鼓鼓填然。長城幾度飲征馬。帝闕頻年泣杜鵑。西望玉門春未度。東來長白月重圓。倚樓把酒問身世。無奈風高塞外天。
乘槎直達滄溟裏。家在瀟湘雲夢中。錦瑟年華問逝水。籌邊事業等雕蟲。劍橫玉塞昆崙

月馬渡陰山。瀚海風三十功名塵土耳。一江冰雪笑漁翁。

步五梧生己酉守歲原韻

梭擲雙丸任往還。白雲終古自閑閑。一生梯米浮滄海。萬里風雲望故山。醉眼重邀燕市月。蹄痕終遍漢生關。撫摩髀肉增惆悵。陳迹無端俯仰間。

十年泛宅復浮家。萬里邊風拂髻華。未必出山終小草。何辭傾國對名花。浮蹤笑比風前絮。詩句誰籠壁上紗。積習年來未得吟髭撚。斷手頻叉。

錦帙牙籤列四圍。讀書日日侍慈闈。春暉愛護爭駒隙。鄉夢嘗騰逐雁歸。中夜聞雞猶起舞。一時屠狗亦雄飛。戎裝笑把宮袍換。聊當娛親萊子衣。

壯年躍馬賦西征。仗劍思吞海底鯨。葱嶺萬里輕舉足。秦關百二慣宵行。伯圖憑吊班都護。飛將長懷李北平。幾輩雄兵談紙上。扶桑日麗說東瀛。

若將事業望旂常。山上雲偏出岫忙。高視敢誇千里目。憂時徒轉九迴腸。長安觀弈成殘局。列國爭雄散戰場。滄海無情天地窄。馳驅容易誤年光。

乘軺時節去悠悠。萬里臨邊玉塞秋。肯使龍蛇據山澤。直教狐兔匿林邱。一絲知否牽全

局大錯何堪鑄六洲。孤憤滿腔鬱誰語。竟思披髮大荒遊。
底事王郎斫地歌。敢將身世悲蹉跎。營經鍛鍊手裁峻。眼閱興亡涕淚多。好友乍來棋一
着。舊書補讀硯重磨。竭來五夜閑吟慣。數盡殘更躍鼓鼙。
乍辭艱鉅脫鈎魚。宦味蕭閒意自如。官閣梅開春酒豔。天階楊柳曉風疏。若非息壤難彌
謗。豈是虞卿始著書。勤破榮枯心止水。小園新闢濬清渠。
風人雅旨託於詩。三復流連有所思。時事是非千古定。纏綿忠愛幾人知。高情甯有肌寒
懼。顧影誰憐冰雪姿。太息窮愁孟東野。象誰燬齒豹留皮。
從來江漢鬱雲雷。士氣而今消歇纔。三顧誰論天下計。九邊未見戰雲開。漢皇前席難爲
用。騷客離魂招不來。金粟堆前松柏老。人間誰唱得龍才。

洛陽行

洛陽偉業不復見。夕陽停馬生悲歎。東瀍西澗南洛北伊河。幾朝宮闕於此建。歌舞樓臺
今若何。可憐荆棘埋銅駝。空餘青山青史至今在。美人豪傑雙蹉跎。北邙之上悲風起。滄
海桑田變不已。繁華如夢竟成空。我來惟怨東流水。

過破石山狂吟

破石山上秋風起。西征壯志何時已。道路崎嶇限戎馬。縮地神方思費子。昂首西望玉門關。班超事業何足齒。誓將踏遍中央亞。細亞烏拉山頭樹界址。回馬再上喜馬峯。大闡釋迦牟尼之禪宗。東方大陸起蛟龍。請看亞雨壓歐風。漫笑狂吟無足道。從來時勢英雄造。雄圖爭說鐵木真。我何人斯發長嘯。

過滎陽觀楚漢戰蹟吊項羽

征途躍馬走滎陽。東京西索水茫茫。形勝巍然多絕壁。楚漢紛爭古戰場。秦皇雄圖并六國。遽使英雄成霸業。漫笑風雲爭豎子。項王畢竟人中傑。書不讀。劍不學。祇憑豪氣凌霄漢。漢高聞名膽爲落。鴻門會上何其雄。八千子弟氣如虹。七十二戰無不利。天下無敢撓其鋒。滎陽城外楚歌激。不信漢軍環四壁。大聲狂呼戰無罪。英雄獨對烏江泣。嗚呼堪歎項王失敗處。萬人何足稱勁敵。瀟瀟京索水聲悲。土暈苔花殷戰蹟。願率中原強健兒。爲君一掃傷心跡。

灑池觀秦趙會宴紀念碑有感

秦并六國啓雄圖。虎視關中何逐逐。兵如刺蜚言循環。諸侯無敢不賓服。秦趙爭衝酣戰久。忽報澗池會杯酒。大開函谷置高宴。鞏固邦交是耶否。嗚呼秦人虎狼不可知。會中衷甲將何爲。懷王入關不得歸。遺民三戶楚人悲。相如會上佩長劍。受辱恐爲君王玷。忽聞趙王爲鼓瑟。怒髮冲冠赤浮面。坐上瑟聲尙未已。相如進缶秦王恥。請爲吾君歌一曲。兩國原來稱敵體。嗚呼趙瑟秦缶今何在。土苔石碑留故址。愛國須如藺相如。恨未躬逢拔劍起。

放歌步謝大虎文原韻

水上飄泊鷗與鷺。家在水雲鄉裏住。振翼不必倒南溟。萬里培風填古戍。巍然長白望崑崙。遼海黃河悲回派。笑彼西燕又東勞。處處寒雲橫野渡。乾坤偪仄復偪仄。丈夫升沈遑問數。傷心漆室哀逸馬。堪恨蒼鷹逐孤鶩。圖們不盡水滔滔。籌邊且學邯鄲步。敵樓夜夜驚烽火。旌旗朝朝捲風露。俯仰華鬢幾戰爭。勝敗操持豈無故。筆陣可能敵萬人。舌鋒時亦當武庫。尺地寸土肯讓人。匣底龍泉光欲吐。安得一戰定三韓。貔貅百萬爭先赴。自古和戎非良策。一誤不可况再誤。邊塵未掃征人恨。大地河山待鼓鑄。君不見茫茫瀛海接

青。天。細。流。何。用。殷。勤。注。罷。成。長。歌。歸。去。來。一。去。掉。頭。不。回。顧。去。逐。鷗。鷺。狎。烟。波。雲。夢。瀟。湘。
指。歸。路。一。竿。閒。釣。雲。天。月。三。昧。佛。言。細。參。悟。開。卷。不。讀。戰。國。策。濡。毫。莫。草。從。軍。賦。夢。訪。莊。
生。姑。射。游。醒。伴。逍。遙。廣。漠。樹。王。侯。將。相。傀。儡。耳。塵。土。功。名。何。足。慕。

哭吳烈士綬卿卽題其遺詩後

虞山龐樹柏癸子

慷慨吞胡氣自雄。絕裾擊楫兩般空。賦成鸚鵡羞黃祖。拚了頭顱贈馬童。娘子關前愁夜月。闕氏山外哭秋風。傷心一卷西征草。難得簪花替寫工。

弔吳綬卿先生

金山高旭天梅

悽絕石家莊。畔路春來芳草應。全枯平生懷抱餘。詩卷直北風雲失。霸圖酒後孤懷長。劍倚軍前頓痛大星殂。果能招得英魂返。日夜拚教萬遍呼。蒼茫惹起無涯感。狂蕩東風未許刪。大好頭顱爭價值。幾多血淚認爛斑。須知秦帝魯連恥。肯信周興管叔頑。剩有精靈長不死。巍巍萬古太行山。

民國九年庚申十一月出版



石吳合刊一冊
實售大洋一角

分發行所	總發行所	印刷者	出版者	校訂者	編輯者
各埠各大書局	簡單編譯社	鑄新印刷社	簡單編譯社	唐忍庵	馮心俠
	<small>常熟南門外豐樂橋</small>	<small>常熟河東街</small>			